

沁水縣志

第四冊

沁水縣志

第四冊

卓行

北齊

徐遠字彥遐少習吏事郡辟功曹未幾除瀛州令神武以遠
閑習書計命爲丞相騎兵叅軍常從征伐克濟軍務深爲
神武所知歷鉅鹿陳留二郡太守天保初爲御史所劾沉
廢尋以舊勲入爲太中大夫天統四年加開府遠爲治慕
寬和有恩惠至東楚時邑大火躬自赴救對之流涕仍爲
經營皆得安立子世榮黃門侍郎武平初卒

金

張埜由進士歷榆次陽城繁峙解縣四縣令操履練達留心
撫字惠孚於民卓有政績終朝請大夫車騎都尉

明

潘中洪武初薦辟知平度州居職公正百姓悅服艱歸有以
騾馳送者抵里仍與之值其廉平如此

常軌由進士授大理評事陟右寺副僉事獄獄多平反遷河
南僉事行部至密縣有平民拷掠不勝被誣爲盜者察其
冤破械出之至西平及裕州有豪猾恣爲奸利者鄉曲苦
之前官不敢問軌各正其辜一路肅然民咸頌之尋卒於
官貧不得歸葬厝汴者四年姪賜成進士始還其喪

王賓監生成化中司諭咸陽以禮教率諸生多歸矩範師儒
不苟官職者

段讓孝友端方通經籍工詩旁及陰陽方術樹藝諸書與兄
弟同居共爨終其身淑風後輩向學者弟咸敬憚之鄉黨
有赴愬者折以片言俾無逮於訟習歸德焉

何謂滿樣也武宗微行由大行抵上原已夜門閉不得入大
怒還遣中官逮諸守臣衆懼麟曰皇上但遣不啟門者未
有主名此易爲耳若厚賄中官不令羅織廢與俱往卽止
怒不測麟一身何足恤哉遂抵京上疏曰陛下巡幸晉陽
惟時司門者實臣麟一人他臣無與也臣不能啟門迎鑾
輿臣罪萬死但陛下輕宗廟社稷而遠事巡遊且易服微
行無清道警蹕之詔白龍魚服臣下何由辨昔光武夜獵
至上東門守臣郅惲弗納光武以爲守法而賞之今小臣
欲守郅惲之節而陛下乃有不敬之誅臣恐後世以爲臣
不事不若郅惲而陛下寬仁之量亦遠遜光武也疏上怒
稍釋廷杖六十釋去不問麟還撫按以上皆郊迎致敬
李春芳字元實由進士知盤垣縣會歲祲勸諭賑濟安性明

爽而遇事敏幹每營度必爲經久計

脩天民見選舉有風慧詩文書畫並臻其妙與常評事後先
齊名判河間真定守濱州明幹仁慈政聲藉甚揚時化有
傳見後

陳策見選舉由進士歷官山東副使霸州兵備質直清介所
在有聲卒以忤時致仕不竟其用

韓君恩字元寵嘉靖丙辰進士孝弟純明事伯如父資舅氏
殯從母不遺餘力甯自甘不給丙夜不炊不辭也初授廬
州推官以廉平擢御史按甘肅時徧歷都亭禦敵咸有方
畧還命察京營直陳虛伍其弊悉山權璫雖招忌不顧已
而滿兵溫處病歸不究其用卒

張鈔父五典兵部尚書其兄弟皆貴鈔幼穉自飭無貴介氣

後以子貴益退遜如常人知止和張太公長者陳廷敬
作傳見後

侯完

侯永

趙獻

何真正統五年大饑各捐米二千斛

賑荒又成化間陳鳳

翟璟

李綱各捐米四百斛賑荒

萬歷間柳富春輸粟一千斛李泮輸粟五百斛賑荒咸上
聞旌表

王惟允廷璽父儒士剛介持躬義方垂訓

李異品由解元歷任通判同知慈廉明敏百姓德之

王維城歲貢生授徒終身安貞食貧不屑與人競扁其齋曰
聚樂著有永思錄以子廷瓚贈朝議大夫祀鄉賢

劉希曾子用韓孫光月曾孫奕昌元孫洪澤遵其志以耕以
讀昆弟羣從五世同居

王廷璽貢生孝友好學從遊多知名士秉鐸蒲州復補陝西
維南教諭所至輒有聲以子度封刑部員外郎祀鄉賢楊
時化爲作傳

張倫任山海衛訓導盧氏縣教諭並著賢聲祀名宦祠

劉東銘東星弟端方率直無貴介氣其從孫衝性孝友亦能
文

張道濬字深之祖五典父銓以按遼殉難謚忠烈廕一子錦
衣衛僉事世襲道濬承廕陞指揮使再陞都督同知賜蟒
服陳奏皆中時獎因忤時出戍雁門適流寇煽禍從總鎮
籌畫得宜按臺乃以離伍目功叅揭復調戍海甯壬午放
歸田里王庭爲作傳

高光先明末庚辰年饑寇擾死骨徧野日率子弟扞穴掩埋

張濱原任知縣例得起復後以鼎革不仕

按明季盡節效命之臣不可勝紀濱特不爲二臣耳似可不誌然寵利難忘名士亦多不免如濱之知亡知退而不失其正亦可媿夫爲人臣而懷二心者矣

國朝

霍名煥當明末縣毀於寇煥佐張道濬修復城池又獨築北城水堤十餘丈

韓瑒性剛有膽略明季寇急張督師致之行間談兵事多中聞祖母病卽馳歸歲饑民走險縣議勦瑒單騎叩壘諭之賊解散善醫旁及青烏術精書法

高顯光由舉人累官江西叅政回籍杜門謝客足不履公庭王同春字世如自號石幢山人治宣城七年卓有政聲提江

南上江學政衡文務尙醇實兼淹通古今適於用者南方
弊竇叢出同春設法禁除士風丕變遷四川叅議時蜀地
甫經獻禍人少土荒同春極力招來戶口漸繁總督李公
會勦逆匪委辦軍餉卒平羣逆其未仕時爲經師門人甚
衆卒年七十有一

張啟元由進士歷任縣令推官以廉明著聲

王度由進士累官至霸州知州值水灾百姓饑溺修城賑荒
不遺心力以疾告歸爲人純孝隱德疎財樂易

張道湜由進士官編修改湖廣守道調商洛道休息民力造
土有方攝漳關征滇南師出關道湜調劑得宜如枕上過
轉副使天津剖疑案戒輕生掩瘠埋酷仁愛獨著鎮帥有
後言不校而善遇之陳情歸養周卹族黨焚券已責好言

桑梓利病長吏重之

趙青溥順治辛卯舉人山五臺教諭陞授常熟令愛士恤民
雍奸剔蠹江南最苦漕爲悉心調劑運弁不敢攫掠聽訟
明允民以不寃糧銀雜項俾民親投書吏不能爲奸戢豪
強莠草竊遏奸詐所以字小弱美風俗者皆爲百世之計
因民積欠未完例應降級紳士耆老各爲籲請挽留情詞
懇切且爲立石以表其德雖古之循吏不是過矣

譚璵字五城肫仁猶子也由進士歷官刑部郎多平反僉事
易州出納軍餉三十萬例有羨餘璵用一衡隨解扣除之
利遂絕督治河堤節帑數萬改補桂林奸民與獠獠互仇
揭報付火不問爭遂息疏止用兵交趾以弭邊釁轉福建

督糧內艱歸

韓張字傑一旗兄詳見選舉孝友恬退由進士出知桃源縣作官箴未幾以疾告百姓泣留不得有詩云曩憂民病猶身病今苦盧醫不自醫

韓麟趾字昌侯瑛三子由舉人知浙江石門縣革耗羨嚴漕糧課農桑興學校事事具舉更彊幹不受奸宄欺歷攝德清平湖秀水桐鄉海鹽五縣洗手而治所在有聲當事以卓異薦欽賜蟒袍服以州守銜知東之歸善旋以病告歸值荒歉蠲金糴米以濟鄉里至今人猶頌之

張應吳字直方博學能文歷攝絳州孝義二學薰陶有法士論歸之

韓萬選字宜侯嶺長子歲貢秉鐸平陽遷運學一洗寒陋

習童謠有年逾四十者聞文太息曰使至獨以老童焉遂得售士林稱其作人

王廷珙敦睦宗黨慕義循禮樂善好施鄉曲多敬愛之子純入翰林歷諫垣任藩臬著直亮之節得之家訓爲多

賈瑀舉人授平定州學正講學厲行士貧有不能自存者贍其衣食補榆次教諭捐貲修廟學遷汾州府教授編修冉覲祖爲作傳見後

王璽狀貌鱗梧生而倜儻任江南叅將仗義疎財招降救難多著成勞

王端璽子好施濟扶危困有乃父風任江南遊擊值海寇攻圍江甯屢著奇勲恢復池太二府一矢未加地方甯謐至今士民祠祝焉

王錫五紀子以廕生任內閣中書居鄉時值年饑設法救荒
附近居民全活甚衆

賈斯在邑廩貢生性孝友由教習授陝西保安知縣鞠躬盡
力賈容遜爲作傳見後

竇載德幼從王英學英死每春秋脩物致奠中年棄舉子業
究心儒先語錄月朔偕族叔世英集廟學講經辨王霸誠
僞之分立童子學旬日令一鄉童子謁廟行禮背誦小學
與日記故事閒摘一二條詢之發其良知良能年饑約里
人日出米若干以賑鄉鄰名爲減竈頭米多賴以生又做
米子社倉法勸人出粟積貯爲備荒計年七十餘以徵疾
終

陳福臻西山里人得自文德路遺白金數十兩文德正進

不知所出臻訪而還之

今志載

韓瑁胞仁子國學生仰承父志爲諸從弟建宅舍給資財與已埒順治庚寅饑出粟三百石周里黨貧之人多賴之明年見時不靖率修郭壁比寨寨甫成賊至圍困多日而不至析骸易子蓋其力也以此全活數百家至今依爲保障韓學山邑諸生因公至邑遇中元節見邑丞奚公士恂公服馳馬出東門頃之還署詢其故曰舊任周丞某丁母憂無力歸葬停柩於法隆寺同官之母猶吾母也故往祭之學山高其義贈以詩見藝文及奚公解任去寺僧移柩後霍學山再至見霍崩極半暴露惻然出已貲請之邑令何公擇地安厝其慷慨好義類如此

張玉鑑庠生博及羣書尤精醫術施藥解活人甚衆後嗣遂

昌壽至八十餘曾元繞膝一堂五世學憲旌之

牛士奇武安村武生幼從學於賈生賈生死無所歸士奇一力營葬兼葬賈生父母春秋偕同學諸人拜墓歲以爲常闔學薦其義行邑侯田賜匾獎之

竇思溫廩生幼聘韓氏未娶而女盲韓以無力媵從許溫別聘溫曰果爾女將奚歸遂娶焉

張建純上谷中里人置義田百畝以贍宗族又捐千金修石幢險道邑侯汪譔文誌之

韓大忠知陝西環縣事值歲歉竭力賑救民懷其德卒已十數年其子以事至環邑人飲食餽問者不絕其感人深矣鄭采宣字載九號華封任廣西靈川縣令性廉介寡言笑自奉以儉紳士非公不接見創造浮橋重修文廟主修邑志

清理學田事當執法雖權貴囑託富俠苞苴毫不相徇去後常係民思陞都察院經歷卒時年六十有五

柴居敬蒲泓中里庠生慷慨好施康熙六十年歲大饑出粟千石濟人而焚其券邑侯李給匾獎之

王明德下梁北里庠生康熙六十年出粟百餘石周卹同里樊初荀字穎川知甘肅甯遠縣廉明惠愛有政聲藩檄查各府倉庫廉潔自守謝絕苞苴迺竟以此忤時動多牽制荀不欲隨衆俯仰毅然自請改教尋授蒲州府教授時府學係新設諸生不過廿餘人嚴立學規勤於勸課歷十餘年從學者遍郡邑口講指畫多所成就每囂囂自得曰成物與成已無二此亦君子三樂之一也丁內艱回籍邑令汪重其才品延教義學培植文風曲成後進邑內諸生強半